

D23B

U B742 AAB
MAHATHIR - OSA
(I)

MELAKA, 21 NOV (BERNAMA) -- RANG UNDANG-UNDANG AKTA RAHSIA RASMI (OSA) (PINDAAN) TIDAK AKAN DIRUJUKKAN KEPADA JAWATANKUASA PILIHAN PARLIMEN, KATA DATUK SERI DR MAHATHIR HARI INI.

+LANGKAH ITU TIDAK PERLU,+ KATA BELIAU KEPADA PEMBERITA SELEPAS PERJUMPAAN TIGA JAM DENGAN PEMIMPIN UMNO NEGERI DI KEDIAMAN RASMI KETUA MENTERI +SERI BENDAHARA+ DI SINI.

PERDANA MENTERI BERKATA KERAJAAN TELAH PUN MENDENGAR PANDANGAN RAKYAT DAN MEMBUAT BEBERAPA PENYESUAIAN BERHUBUNG DENGAN PERKARA ITU DEMI MEMENUHI KEHENDAK RAKYAT.

MENURUT DATUK SERI DR MAHATHIR, RANG UNDANG-UNDANG ITU DIBENTANGKAN PADA PERSIDANGAN TERAKHIR PARLIMEN IAITU SEBELUM PILIHAN RAYA OGOS LEPAS.

+WALAU BAGAIMANAPUN, KERAJAAN MASIH MENDENGAR PANDANGAN RAKYAT,+ TEGAS PERDANA MENTERI. -- LAGI
2102MST 21 11 86

MAHATHIR - OSA 2 MELAKA

MENGENAI GOLONGAN YANG MEMBANTAH RANG UNDANG-UNDANG ITU, DATUK SERI DR MAHATHIR BERKATA: +MEREKA YANG MEMBANTAH OSA NAMPAKNYA MENENTANGNYA WALAU APAPUN YANG KERAJAAN LAKUKAN.+

MEREKA TIDAK MENGAMBIL DAYAUSAHA UNTUK MENGAJINYA DENGAN MENDALAM ATAUPUN MEMINTA PENJELASAN BERHUBUNG DENGAN FASAL-FASAL DALAM OSA YANG MENIMBULKAN KERESAHAN DI KALANGAN MEREKA, KATA BELIAU.

SEMASA DIBERITAHU BAHAWA SESETENGAH GOLONGAN YANG MEMBANTAH OSA JUGA TERMASUK ANGGOTA UMNO, PERDANA MENTERI BERKATA: +MUNGKIN DALAM UMNO JUGA ADA GOLONGAN YANG TIDAK MENGAJINYA (RANG UNDANG-UNDANG OSA).+

DATUK SERI DR MAHATHIR MENOLAK KEMUNGKINAN RANG UNDANG-UNDANG ITU DITARIK BALIK ATAUPUN MEMBUAT PINDAAN SELANJUTNYA.

+RANG UNDANG-UNDANG ITU AKAN KEKAL SEPERTI YANG DICADANGKAN,+ KATA BELIAU. -- LAGI .
2104MST 21 11 86

U B745 AAB
MAHATHIR - OSA 3 MELAKA

MENGENAI HASRAT UMNO MENGEMBANGKAN SAYAPNYA KE SABAH, DATUK SERI DR MAHATHIR SELAKU PRESIDEN UMNO BERKATA PARTI SEDANG MENGAWASI PERKEMBANGAN DI NEGERI ITU SEBELUM MEMBUAT KEPUTUSAN.

TUGAS ITU DISERAHKAN KEPADA NAIB PRESIDEN UMNO ENCIK GHAFAR BABA YANG JUGA TIMBALAN PERDANA MENTERI, KATA BELIAU.

KATA DATUK SERI DR MAHATHIR BELIAU TIDAK MENERIMA SEBARANG LAPORAN BERHUBUNG DENGAN APA YANG DIKATAKAN KERJASAMA ANTARA GERAKAN DAN PARTI BERSATU SABAH (PBS).

+SAYA MEMBACANYA HANYA MELALUI AKHBAR. OLEH SEBAB ITU, SAYA TIDAK BOLEH MENGULASNYA,+ KATA PERDANA MENTERI.

BERHUBUNG KEADAAN EKONOMI SEKARANG, DATUK SERI DR MAHATHIR BERKATA ADA TANDA-TANDA YANG MENUNJUKKAN EKONOMI NEGARA PULIH SEDIKIT EKORAN KENAikan HARGA MINYAK SAWIT DAN TIMAH. -- LAGI.
2111MST 21 11 86

MAHATHIR - OSA 4 MELAKA

MENGENAI ANCAMAN KONGRES KESATUAN SEKERJA MALAYSIA (MTUC) UNTUK BERPIKET PADA 1 DIS BERHUBUNG DENGAN CADANGAN PEMBEKUAN KENAIKAN GAJI SELAMA TIGA TAHUN, BELIAU TIDAK FAHAM MENGAPA MTUC MELAKUKANNYA SEDANGKAN ANGGOTA CUEPACS LEBIH MERASAI IMPLIKASINYA.

BELIAU MENJELASKAN BAHAWA KERAJAAN MENGAMBIL LANGKAH ITU DEMI KEPENTINGAN SEMUA PIHAK.

+YANG HARUS DIBERI PERHATIAN IALAH PEMULIHAN EKONOMI NEGARA,+ KATA PERDANA MENTERI. -- BERNAMA .

2129MST 21 11 86